



## Vita de ploania y de paisc

- **Schira Jonila:** le grup met endô man sôa ativité con na encuntada **en domegna ai 30 d'otober** do la gran messa te Ciasa dles Uniuns. A cösta é ince i geniturs der bel enviés da tó pert.
- **"Schuichblattln":** al ven organisé a La Pli - adöm al'Uniun Bal Popolar - cater endünades por mitans/mituns, jones/jogn da 10 agn ensö, por i porté plü dampró la cultura dal "Schuichblattln":  
ai 10 de november, ales 19.30, ai 17 de november, ales 19.30  
ai 24 de november, ales 19.30, ai 01 de dezember, ales 19.30  
Enformaziuns y prenotaziun pa Monika ☎ 348 932 6779.



## Enformaziuns y termins

**Preparaziun al Bato:** düc i geniturs co á na picia creatöra da bacé, përs co aspeta, toc y totes é enviés ala preparaziun dal Bato co ven tignida **en sabeda ai 5 de november**, dales 15:00 ales 17:00, te salf de calogna a **San Ciascian**. Prenotaziuns, ☎ 334 3200396.

**Neustift:** L'istitut por scolari da Neustift daür les portes. Chi co á enteres, pó jí a ti ciaré y s'enformé, i vendres ai 11, ai 18 y ai 25 de november, dagnora dales 14:00 ales 16:00. L'istitut á endöt 90 posc por scolari dla mesana y dles scores altes. Por s'anunzié pón scrí a schuelerheim@kloster-neustift.it o telefoné al ☎ 0472 824359.

**Comune de Mareo:** al ven lascé alsei che an Gnissant vegnel coü adöm le ciomont (sac y contegnidus) da doman.

*I fósson da tec, gnanca da nen dí,  
sc'i ciarásson ma che ara se vái bun te cösc monn.*

*Sant'Ujöp da Oies*

<b>Döt le bun a:</b>	Maria Pedevilla, <i>Bornech</i>	* 31.10.1935
	Ida Maria Erlacher Dianese, <i>Porsenü</i>	* 02.11.1940
	Stefania Pedevilla, <i>Bornech</i>	* 03.11.1937
	Lois Burchia, <i>Ciampedel</i>	* 03.11.1940
	Aloisia Trebo Neumayr, <i>Türesc</i>	* 03.11.1940
	Metilde Ellecosta, <i>Salurn</i>	* 04.11.1933
	Tone Ellecosta	* 04.11.1936
	Vittoria Trebo Rovara	* 04.11.1940
	y a düc chi co á santennom y complesc i agn cöst'edema	

**Impressum:** Ploania d'La Pli; redaziun Franz Rigo y Edith Willeit  
**Comunicaziuns:** cina le dedemesaledema sera a Franz Rigo, ☎ 347 2310129 o ✉ ploania@gmx.net  
**Download plata:** www.unitepastorala.org




## Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas  
✉ klsottsas@rolmail.net

Calogna Al Plan: ☎ 0474 501006  
Radio de Ploania: 93,00 Mhz

UNITÉ PASTORALA



VAL BADIA  
www.unitepastorala.org

Ann C

30.10.2022 - 31. domegna ia por l'ann

n. 49

## I an düc les medemes poscibilités

📖 Sap11, 22–12,2 | 2 Tess 1, 11– 2, 2–3a | Lc 19, 1–10

### Dal Vangelo do San Lúca:

Te chel tomp <sup>1</sup>é gnü Gejú a lerico y é passé fora por la ciüté. <sup>2</sup>Danló viél n el co á ennom Zacheus; al ea le sorastant dai publicans y ea der rich. <sup>3</sup>Al ess orü odei ienn, che che cösc Gejú ea, mo la fola dla jont ti stopá la odüda; deach'al ea picio. <sup>4</sup>Porchel él salté danfora y é jü sön n len da fighi, por odei Gejú, co dea passé danló. <sup>5</sup>Canche Gejú ea roé danló, ál ciaré sò y ti á dit: Zacheus, ví debota jö, deache encö messi storje pro te töa ciasa. <sup>6</sup>Sön chera él gnü debota jö y á tut sò Gejú con ligreza pa d'el. <sup>7</sup>Canche la jont á odü cösc, se lasciái sò y dijea: Al é stort pro da n piciadú. <sup>8</sup>Mo Zacheus ti é jü pormez a Gejú y á dit: Signur, le mez de mio avei ôi ti dé ai püri, y sc'i á ieré da zacai de massa, ti dái derevers cater iadi tant. <sup>9</sup>Danló ti á Gejú dit: Encö ti él gnü scinché la salveza a cösta ciasa, ciodiche ince cösc chescian é n fi de Ábraham. <sup>10</sup>Deache le Fi dal Om é gnü a chirí y a salvé ci che ea pordü.

**I ponsun do:** Ince sc'al é entres endô de chi co adora mal la creta ch'ai ciafa, fajunse empó l'esperionza ch'al é ince porsones de cheres che an pó se fidé. Öna na carateristica particolare de Gejú é ch'al ti dea ales porsones na poscibilité. Al jea a ciafé i piciadus y ti dea tres so amur la poscibilité da meter man danö. Pó le tru dal discepul ester atramonter co chel dal maester? La storia de Zacheo n'ó nia ma se mostré sò le modo da fá de Gejú, mo ara s'assüghereia che Gejú se dá creta y ara s'encorajeia da avei creta tai atri.

**I periun:** Bel Dio, tö as entres endô fidonza te nos y se scinches töa salveza. Deidesse da ti avei creta al bun che t'as motü te vignönn de nos. Por Gejú Crist nosc Signur.

Vesco Wilhelm Egger "Sonntagsbibel"



**Iolan,  
iolan de cör dijunse!**

📖 Letöres dla 32. domegna ia por l'ann:

2 Mac 7, 1–2.7a.9–14 | 2 Tess 2, 16 – 3, 5 | Lc 20, 27–38

